

5

DISSERTATIONIS
DE
PROBATIONE,
JURE JURANDO
RELIGIOSE
SANCIENDA,
PARTIC. I.

QUAM
CONSENSU AMPL. SEN. PHIL.
Publice examinandam sicutunt
SALOMON
KREANDER,

Jurispr. civ. & cum illa comercio arctiore junctarum scientiarum Adjunct. e. ord. & in Regis Regnique Dicaster. Aboëns. vicar. Notar.

ET
JONAS CAJANUS,
Ostrobothnienses.

In Auditorio Minori Die XXI. Junii MDCCCLXXIX.
Horis ante meridiem confvetis.

A B O Æ

Impressa apud Viduam Reg. Acad. Typ. J. C. FRENCKELL.

S:Æ R:Æ M:TIS
SUMMAE FIDEI VIR,
SUPREMI REGIS REGNIQUE DICASTERII ABOENSIS
PRÆSES, REG. ORD. DE STELLA POLARI COM-
MENDATOR, NEC NON EQUES DE REG.
ORD. ENSIF.
ILLUSTRISSIME ATQUE GENEROSISSIME
BARO,
D:NE AX. GABRIEL
LEIJONHUVUD,
GENEROSE ET NOBILISSIME PRO-PRÆSES
D:NE JOH. IGNATIUS,
NEC NON
NOBILISSIMI, AMPLISSIMI ET CONSULTISSIMI D:NI, REGIS RE-
GNIQUE DICAST. CONSILIARII ATQUE ASSESSORES.
MÆCENATES MAXIMI!

Nodosi Juris principia & naturam pernoscere: obscuros
eius mæandros probo lustrare ingenio: justitiae & æ-
quitatis sancte librare pondera: de rebus, quæ hominibus
charissimæ sunt, fortunis, bonore, vita, jus semper dicere,
line

sine favore, sine odio, sine spe illa, metuue privato, omnibus
unum & æquabile: innocentiae præbere fulcrum & suas cri-
minibus pœnas; atque cum Agricola Taciti, omnia scire,
non omnia exsequi: parvis peccatis veniam, magnis severi-
tatem commodare: nec pœna semper sed pœnitentia contentus
esse; suprema profecto, si quid intelligo, in homine laus ex-
istimari debet, post celebrem illam, nec totam forte fabulo-
sam, ut dixit non nemo, Astræe fugam, paucissimis omni
œvo concessa, atque venerabundam omnium bonorum admira-
tionem & majores humanis titulos meritura. Quid multa?
DEOrum nomine, ab ipso DEO O. M. usurpantur, qui Di-
vinis his gaudent ingenii & animi virtutibus. Quo itaque
verborum honore ego Vos Generosissime, Nobilissimi &
Consultissimi Themidos Fennicæ Præsules compellem, in
quibus hæc omnia fulgide exsplendent decora, quique, simul-
ac alma Themis mea sibi desponebat studia, jacentem mei
iugenii meæque fortunæ tenuitatem Vestra exæsistis gratia,
meque, ex Minervæ castris si non transfugam, infelicem
tamen tam imperiosæ Divæ cultorem Vestro excepistis si-
nu, quo diu multumque fatus, præsentem ingenioli fructum,
splendidissimis Vestris dicare nominibus gestio. Dignemini
illum illiusque auctorem exoptatissimo Vestro beare favore,
&, mea, si quando nubila erunt, serenando fata, facite quod
fecistis, ut uno premente Deo ferat Deus alter opem!

GENEROSISSIMI ET ILLUSTRISSIMI DOMINI
BARONIS, PRÆSIDIS ET COMMENDATORIS

AC

REGIS REGNIQUE DICASTERII


Cliens devotissimus
SALOMON KREANDER.

S:Æ R:Æ M:TIS
MAGNÆ FIDEI VIRO,
ET
REGIÆ EXPEDITIONIS RERUM EXTERARUM SE-
CRETARIO PRIMARIO, NEC NON REG.
ORDIN. CAMERARIO,
NOBILISSIMO DOMINO,
CAROLO FRIDERICO
FREDENHEIM.

Summa fuerunt & prope innumera, quibus me, Nobilissi-
me Domine, exornasti beneficia. Quamdiu Musarum
Aboënsium usibus & honori Te inservire, Tuum fuit Ea-
rumque gaudium, nullam facile prætermisisti opportunitatem,
meum erigendi animum, meamque sufficiendi fortunam,
quacum conficianti, & vincere & vinci, Te Auspice, dulce
pariter mibi fuit & decorum. Deinde Tu Vir Nobilissi-
me, in majus majusque quotidie elevatus fastigium bono-
rum, mee tamen in Te pietatis simplicitatem nunquam es
designatus. Cujus, & gratiarum a me Tibi per solvenda-
rum, ut aliquod exstaret monimentum, opellam hanc, Tuo
Nomini dicatam, ex Ejus splendore suum jussi decus mutua-
ri. Quod si eam benigne excepferis, & meam Tibi commen-
daveris salutem, nunquam mea deplorata jacebunt vota.

NOBILISSIMI NOMINIS TUI

Cultor humillimus
SALOMON KREANDER.



§. I.

Quod in *Theatro*, Poëtis usu venire nonnunquam solet, ut, si dignus vindice nodus inciderit, ad DEUM ex machina, confugiant ludibundi, idem non plane dissimili ausu, sed religiosore multum affectu, in *Foro* saepe solemne est Judicibus.

Scilicet, cum versipellis maleferiatorum ingenii tanta est vafricies, ut veritatem aut proculcantes aut nubibus involventes, omnes omnis generis fraudes variis machinentur artibus, atque si acrem Judicem vestigia sua indagare respexerint, in varias elabendi rimas, speratae impunitatis asila, enixe studeant irreperere; cumque aliae veritatis eruendae rationes, vanæ nil jam proficiunt: nullum reliquum est, nec excogitari facile potest efficacius veritatis protrahendæ ac litis expediendæ remedium, quam ut vel tergiversantes ipsi, vel qui rei litigatae ponuntur esse consciæ, ad DEI ter Optimi Maximi, qui veritatis est & justitiæ Stator Vindexque sanctissimus, iram & fulmina, in sua capita, ni quod dicunt verum sit, arcessenda cogantur.

Sic nascuntur *juramenta*: quorum est, ut per se patet, & experientia confirmat, summa in judiciis u-

A

tilitas

tilitas, tam ad reos ex latebris suis protrahendos, quam ad intimos litigantium, sicubi necessum fuerit, mentis recessus Judici aperiendos. Nam si qui satis sibi contra hominum conscientiam septi esse & muniti videntur, Supremi tamen Numinis horrent: saltim vindictam Ejus, nisi, (quod de nullo temere dicere, nec de multis credere, fas est,) omnem cum ratione religionem infelices ejuraverint, pertimescunt; quo fit saepe, ut cum damno suo, etiam si praesentissimo, veritatem inviti confiteantur (a).

Quod vero hac ratione Nomen Numenque Divinum humanis interponere litibus, concessum nobis sit, ut summum, quod vitae humanae deferri de caelo unquam potuit, suspici beneficium debet, quo, vel ex ignorantia imprudenter uti, vel consilio, abuti impudenter, piaculum profecto est, quod hinc vix excusari, istine autem fere nullo procurari poterit lustramine. (b) Proinde, quam caute quamve circumspecte, in re tam sacra, cum judices, tum judicandos, versari in foro oporteat, concludere primum est.

Sed & alia in promptu est caussa maxima, eaque civilis, ob quam jurisjurandi religio habenda est sanctissima; haec vero in ipsa posita est securitate publica, de qua, quam primum jurisjurandi fides apud vulgum occidit, & frontem extollunt dira perjuria, actum brevi est & conclamatum. Finge seculum, & utinam singendum esset! quo, qui jurisjurandi vim susque deque habeant, rari esse desierunt: pone simul judices, qui Legis brachio, dira haecce capita a foro
vel

vel divellere non didicerint, vel testimonia eorum iusta lance expendere nesciant; quid tum obstat, quo minus optimus quisque **Civis**, tristis evadat victima, quam Leges justissimæ, sed perjuriis obfuscatae & deceptæ, pœnis immolent, quæ non aliorum quam per duellum esse deberent aut latronum. Licebit tum videre, quem & Stoicus quisque (c) illacrymabit, **SOCRATEM**, Anyti & Meliti perjuriis, conjectum in vincula, damnatum capitum, obrutum morte.

(a) CICERO de Divinatione. L. II. C. 4.

(b) Hinc negandum non est, Summum Numen, et jam hac in vita, eos, qui nomini Ejus perjuriis illudunt, pœnis saepe afficere gravissimis. Quæ vero harum exempla ex SPERLINGII libro cui titulus: *Moses detonans*, ex V. STURMII *promtuario exemplorum*, C. STOCKII *Homiletisches Lexicon* & ex ipsis libris MACCHABÆORUM afferuntur crudelissima, nimis exercent credulitatem Lectorum. Quod si enim perjurus quidam ipse, aut dulcissima ejus conjux apoplexia moriatur, vel perjurantis innupta filia aut neptis zonam virginem habuerit ruptam, minus veras effectibus adjungere censendi sunt causas, qui, præeuntibus hisce Auctoribus, calamitates illas, ex perjuro, tanquam fonte suo effluxisse arbitrantur. Tales fingere perjuro pœnas supervacaneum est, nam si aliæ deficerent, sufficit, animum perjurii conscientium, tormentis intrinsecus contundi crudelissimis, & ab hisce quasi domesticis furiis die lacerari nocteque. *Fuge hoc Conscientiae judicium* (bene ait Theologorum decus J. GERHARDUS in meditat. suis sacris) *in quo idem simul est reus, actor, testis, judex, tortor, career, flagellum, executor, carnifex.*

(c) *Un coupable puni, est un exemple pour la canaille: un innocent condamné est l' affaire de tous les honnêtes gens.*
De la BRUIJERE Charactères Tom. 2.

§. II.

Sequitur hinc, ut juris jurandi fides & custodia, non modo res sit sanctissima, sed & securitatis publicæ destina firmissima, qua fracta, corruat tota civitatis compages necesse est. Fortissima hæc, qua infelicitatem publicam influunt juramenta, vis, est, quæ eadem apud quasvis gentes, morum flore vel parum inclytas, reddidit sacratissima.

Antiquissimi *Judæi*, degeneratæ, quæ adhuc superstes manet, suæ proli plane dissimiles, juramenta religiosissime coluerunt, quamvis perjurio nulla fere (a) in Legibus eorum indicta esset poena civilis. Apud *Ægyptios* jurisjurandi fidem qui lædebat, morte plectebatur (b). *Romani* juramentis nil habuere sanctius (c). Plures recensere nationes, e re non est, quarum nonnullæ tam scrupulose devotam juramenti tribuerunt religionem, ut per ipsum supremum DEUM jurare exhorrescentes, per cælum, sidera, Reges & Heroas, cæterasque in vicinia Majestatis Divinæ, quas autumarunt res personasque proxime esse collocatas, inviolabili jurejurando se obstrinxerint (d). Nec de Majoribus nostris scribere juvat, quippe quos juramenta sanctius, quam nostro ævo, quo corrumpere & corrumphi seculum vocatur, credi unquam

unquam potest, observasse Annales referunt. Cum vero in nostra tempora oculos dejicimus, & quod res est fateri volumus, negari nequit, juramentorum religionem, tam apud alias gentes (*e*), quam nostram, immensum quantum! esse profanatam, ita ut summum & solutu difficillimum in jura docentibus scientiis jam sit problema: *remedia adinvenire & rationes, quibus jurisjurandi fides & custodia, apud nos, tam sacrata redatur & inviolabilis, quam fuisse illam, apud nuper laudatas gentes, accepimus;* quod qui solveret, a toto genere humano, humanitateque ipsa, summas iniret gratias.

Ad istas vero qui adspiret, fontes abusuum juramentorum, perjuriorumque causas primo aperire satagit, quas non solum magis magisque ingruenti libertinismi Theologici rabici, & morum in deteriora ruentium corruptioni, verum etiam fam judicum juramenta requirentium, quam partium quoque jurantium, hinc ignorantiae & impietati, istinc oscitantiæ, illinc præcipitantiæ, inesse maxime reperiet. Quorum malorum nonnullis, vellemus sane, si fieri posset, præfenti dissertatione mederi, in qua rectam jurisjurandi, probationis causa, tam dandi quam recipiendi rationem, ex morum juriumque disciplinis eruere animus est. Temporis vero angustia, aliæque nobis quæ se objiciunt limitationes, efficiunt, ut brevem hac occasione & fere strigosam paginam verendis Tuis B. L. subiiciamus oculis: alio tamen tempore, si per fata nostra & licet & libet, fusius atque solidius materiam

cootinuaturi, quam sanctiorem philosophia moralis jurisque prudentia civilis habent plane nullam.

(a) Levit. VI: 5, 6, 7. nisi hoc referas unicum illum casum, quo si adulterii rea uxor, perjurio semet ab accusatione liberare ausa fuerit, mirum! *hydropoe ovarii* plectebatur: Videsis Numer. V: 11 - 31. & J. D. MELCHÆLIS *Mosaisches Recht* Tom. 5.

(b) BURLAMAQUI *principe du droit de la Nature & des gens* Tom. 4. chap. VI. Quin Leges quoque Svetthicæ, poenam mortis, pejerantibus indicant, ne mo negabit ad finem usque legens I. §. LX. Cap. M. B. & 18. §. XVII. Cap. R. B. Poena perjurii ordinaria hodie quæ sit, videsis cit. 18. & 19. §. §. XVII. Cap. R. B. quantum vero multæ perjuris impositum antiquiori tempore fuerit, docet in primis WESTIG. L. THING. B. C. 9. §. II.

(c) CICERO *de Officiis* lib. III Cap. XXXI. Nullum ait, *vinculum ad adstringendam fidem jurejurando Majores arctius esse voluerunt. Id indicant leges in duodecim tabulis: indicant sacratae: indicant fœderatae, quibus etiam cum hoste devincitur fides: indicant notiones animadversionesque Censorum, qui nulla de re diligentius, quam de jurejurando* judicabant. Bene igitur Illustrissimus Gallorum IC:tus MONTE:SQUIEU, cum de vi juramentorum apud gentes calamitatibus adflitas, sed virtutis simul studiofas commentatur, adjicit: *Rome étoit un vaisseau, tenu par deux ancrés dans la tempête, la religion & les mœurs.* Vid. cit. Auct. lib. VII. Cap. XIII. de l' esprit des loix,

(d) Vid. H. GROTHI libr. de jure belli ac pacis & S. PUFFENDORFFI jus naturæ & gentium in capitibus de juramento, nec non *Encyclopedie ou Dictionnaire raisonné des sciences, des arts & des metiers* in art. Serment.

(e) Lu-

) II ()

(e) Lubet hic appendere narrantiunculam Petri BAYLE,
qui dicit se vel centies audivise: *qu' il y a en France une Province, ou les Gentils-hommes s' entre-ecrivent: Je vous prie de me preter vos temoins pour quelques jours, & ou on trouve des gens, qui repondent, quand on leur demande: de quel metier etez vous? Monsieur, je suis temoin, a votre service.* Vid. Dictionnaire Histor. & critique Article, Cappadoce not. D.

§. III.

Juramentum, seu quod latinius dicitur jusjurandum (a), ita definiri solet, ut dicatur esse religiosa DEI tanquam testis & vindicis invocatio, in eorum, quæ dicuntur, fidem, adposita (b). Solent hic Philosophiae Morum Doctores varias movere quæstiones, e. c. an tantam habere velit rerum humanarum procreationem DEUS, ut litibus nostris, testis instar & vindicis si citetur, peculiari modo non dedignetur adesse, jurantium recepturus provocationes, seu quod eandem fere vim habet, an licita sint juramenta, ususque eorum tantus, ut novam veri dicendi pariant necessitatem, seu ut loqui solemus, obligationem: An metu, dolo, vi, extorta servari recte possint, quasque habeant vires, si vel per falsos DEOS exhibeantur, vel super præstanta re quapiam illicita, vel omittendo aliquo, quod legibus humanis aut Divinis præcipitur, officio; quas, in quovis Morum Philosophiae compendio (c), egregie plerumque solutas consecutasque quæstiones, si opellæ nostræ infereremus de novo protractatas, disputaremus, quæ ad molem ejus, non quæ ad rhombum facere videantur.

Nec

Nec e re nostra ducimus, alias hujus loci quæstiones, subtiles illas quidem sed absurdas plerumque, ineptas, & in foro nostro omni destitutas usu, quarum est in Corpore Juris Civilis & Canonici Romani numerosa cohors, examinare; quarum tamen nonnullas infra, data occasione, verbo tangemus: nec enim in vestibulo opellæ, opinionum monstris Lectorem deterrere consultum nobis est.

§. IV.

(a) Solet & alia horum vocabulorum, quibus nos, unacum aliis, qui anxiam terribilissimæ Latinitatis curam præ se non ferunt, promiscue utimur, institui differentia, quæ apud antiquiores obtinuit, recentiori ævo obsoleta. Illi vero interpretati sunt, *juramentum* adhiberi in rebus non controversis, quæque minoris essent pretii, quam ut in ius venire possent, *jusjurandum* vero in maxime controversis rebus interponi; vide SETSERUM de juramentis lib. I. cap. I.

(b) Patet hinc juramentis male adnumerari *exsecrations*, per malum genium fieri solitas, de quibus nostrum non est in hac opella commentari. Absque omni etiam commentatione valde patet, nihil his excogitari posse stultius, nihilque a rationis & orationis dignitate magis abhorrens; qui enim, malum, ille citabitur veritatis testis, quem mendacii credimus esse patronum? Illene veritatis erit Stator & Vindex, cujus vires contemnere aut declinare, vel scientiam fallere se posse jure credit quisque sanus.

(c) Nec enim in compendiis, nedum multis systematis *Theologie*, cuius scientia cumulatissima alioquin est rerum sacrarum complexio, locum vere sanctissimum de jure jurando tractari videmus; quod eo magis mirari contigit, cum laudatissima hæc scientia multos amplexa sit arti-

§. IV.

Juramenta communiter spectata duplicis sunt generis, aut *promissoria*, aut *assertoria*, seu ut alii haec vocabula cudunt, *promissiva* & *assertiva*. Illis, nos quædam in posterum acturos esse aut omissuros, pollicemur, his, quæ acta sint aut omissa, profitemur. Illis, voto & stipulationi ac pactis foederibusque, his, confessioni & factis, fidem procuramus & robur. Illa de futuris confirmant, haec de præteritis. Illa spondent, haec probant. Illis omnia adscribuntur juramenta, quæ & civibus, a Principe, imperii habendas capeffente, & Principi, a civibus, aut homagia præstantibus vel munia aut honores obeuntibus, exhiberi solent. Cumque regiminis formæ non unius sint generis, muneraque in quavis civitate longe plurima sint & diversissima, efficitur, ut plurimæ etiam ac diversissimæ sint jurisjurandi promissivi formæ, de quibus hic non est disputandi locus.

Juramenta assertoria, quorum præcipua nostræ sunt interpretationis, non minus sunt multiplicia. Ut enim nihil loquar de juramentis, nostris legibus ignotis, quæ tamen, qui Iuris Consultus merito usurpetur, non nescit: *perhorrescentiae*, *affectionis*, *expensarum*, *minorationis*, cæt. quorumque mentio sit in scriptis JC:torum Romanorum quæ de jurejurando ex

B

insti-

articulos, ad ejus forum parum pertinentes, e. g. de matrimonio, de magistratu civili, cæt.

instituto exarata sunt, (a) largus est in Svetlicis legibus juramentorum numerus, quorum nonnulla ut e. g. *Vitulos-edh*, *forfals edh*, *gödfis edh*, *fatis edh*, *up-rättar edh*, *afvara edh*, *jánnis edh*, *laggjärldsmanna edh*, (b) hodie in foro Svecano non audiuntur; alia vero quotidie obtinent, quorumque tam usus quam abusus forensis tum in sequentibus docebitur, cum de jurejurando antea, ut par est, philosophati fuimus, ut e. g. *vrångo-ed* juramentum columnæ (quod non nulli ad promissiva minus recte ut nobis videtur, referunt), *vårjemåls ed*, juramentum purgatorium, *vitnes ed*, juramentum testium, *fyllnads ed*, jurament: suppletorium, *fattigdoms ed* jur: paupertatis, & quæ infra demonstrabuntur reliqua.

§. V

(a) Talia sunt I. C. DITHMARI, I. B. HANSENII, S. FRELIENII, I. C. NAEVII, I. C. STRYKII & I. SETSE-RI, aliorumque, quos videre est in B. G. STRUVII Bibliotheca juris selecta, ed. 5:ta pag. 191-194. In iurisprudentia Svecana plena materiæ de jurejurando desideratur tractatio, nec enim ita vocari posunt paucissimæ, quas hac de re continent scripta NEHRMAN-NI animadversiones.

(b) Horum nomina latine translata, cum a Romanis auribus nimis abludant, omisimus, si nos enim cum celeberrimo STIERNHÖÖKIO, e. c. antiquiorum illud *gjödzlu edb* juramentum impingvatorum appellaremus, a multis non intigeremur. Qui vero indolem & naturam dictorum jusjurandi modorum nosle aver, adeat J. LOCCENIUM in Lexie: *Iuris Sveogothici*, WERELIUM in Ind. Nob. IHRE in *Glossar*; & unum omnium cit:

Prius vero quam speciale quoddam jurisjuriandi genus imus pertractatum, præcipua, quæ de quavis religiose jurandi ratione dicenda nobis sunt, argumentorum puncta, collecta breviter & tractata, juvabit præmittere, ut quæ generalia sunt, in speci-alibus sæpe repetendo, molestiam nobismet ipsis & B. L. creare ne coganiur.

Primo sumere nobis licet, jusjurandum per ali-am institui recte non posse Naturam, quam quæ aut re ipsa sit, aut jurans credat omnisciam esse, omnipotentem ac justissimam, suumque Superiorem (a), quod a fine juramentorum tam clare patet, quam quod clarissime (b). Horum itaque nec nomen tueri recte posse, nec vim nec naturam neque usum prodere censendæ sunt asseverationes execrationes-

A 2

que,

STIERNHÖÖKIJUM in lib. de jure Sveorum & Gothorum vetusto. Cap. IX.

(a) Cogitur hinc, impro priam esse locutionem, qua in sacris Pandectis Deus sæpe ipse infertur jurans. Cum enim Deo nemo est superior, nec absque horribilissimo læsæ Ejus Majestatis crimen, falsi quid Divinis assertiō-nibus inesse, suspicari ullus potest, non aliter quam *ἀντωπαγώς* dici de Deo juramentum liquet.

(b) Vides tamen multos & in his *Hinr. COCCEI*-JUM in laudando & laudato opere quod inscripsit: *Gro-tius illustratus* tom. I. lib. II. cap. XI. acriter defendere, asseverationes, quæ per res quasvis creatas institui so-

que, per res, charissimas quidem nobis, & quæ maximopere sed non religiose coluntur (*c*), fieri solitæ, quarum varia sunt exempla. Sic *Ægyptii* per nomen Pharaonum jurabant (*d*): *Græci* per Alexandrum (*e*): *Romani* per nomen geniumque Imperatorum (*f*) unde hæc HORATH ad Augustum:

jurandasque tuum per nomen ponimus aras.

& CLAUDIANI de Honorio:

Iuratur Honorius absens.

huius

lent, sacramenti vim habere & licita ac veri nominis juramenta esse; quod eo absurdius dicitur, quo constat magis præter omnipotentem & omnia scientem Deum, non esse, qui secreta animi experiri, & periurio poenas infligere & velit et sciat & possit. Præterea pars est ejus, qui Deo debetur, cultus, ut juraturi, per nomen Ejus juremus, quod & ipse suis litteris *Deuteronomio VI. 13. Psalm. XV. 4.* mandavit; unde conficitur, ut jus hocce Majestaticum Divinitatis, injussu Dei, in aliam quancunque personam aut rem transferentes, piaculum mereantur tanto scelestius, quanto expressius in *Math. V. 34: 35.* juramentis per Coelum, Terram, Hierosolymas &c. datis aut receptis, nobis interdicit.

(*c*) Consentit ULPIANUS cuius hæc in DIG: verba sunt: *Qui per salutem suam jurat, licet per Deum jurare videatur, respectu enim Divini Numinis ita jurat: attamen si non ita specialiter jusjurandum ei delatum est, jurasse non videtur; & ideo ex integro solemniter jurandum est.* L. XXXIII. ff. de jur. jur.

(*d*) Gen. XLII. 15. 16.

(*e*) CURTIUS R. VI. II.

(*f*) SVETONIUS & TACITUS, cat;

huius jurandi formæ tantam tribuentes sanctitatem, ut qui ea pejeraret, non solum fustis castigaretur, sed & læsæ Majestatis reus esset (g). *Nassumoneos*, memoriæ prodit HERODOTUS, (h) per manes jurasse virorum optimorum, sepulcra eorum simul tangendo; quorum nostro ævo æmulantur superstitionem *Romano-Catholici*, qui non tam Deum ipsum & solum, quam sanctos etiam suæ ecclesiæ canonizatos, quorum reliquias manibus juxta contrectant, jurando invocant; iniquissima sane Numen colendi ratione, quasi mitissimus pariter ac justissimus totius mundi Monarcha, Regulorum terræ laboraret superba imbecillitate, ad quorum justitiam gratiamque, nullus, nisi per amicos eorum, aditus patere solet.

§. VI.

Personarum, quæ jurisjurandi se religione obstringere recte valeant, mentionem facturi, in genere requirimus, ut non solum eos attigerint annos, qui usum rationis, ut ajunt reflexum, secum solent ferre,

A 3

ve-

(g) L II. C. de *Reb. Cred.* L II. C. *ad leg. Iul Maj.* l. XIII. ff. de *jurej.* Exemplum refert TACITUS in Ann. lib. I. cap. 73. Equitis Rom: RUBRII, cui criminis dabatur, violatum perjurio nomen AUGUSTI; quod ubi TIBERIO notuit, scripsit Consulibus: *jusjurandum Rubrii perinde aestimandum, quam si Iovem fecellisset: Deorum injurias Diis curæ.*

(h) L IV. 1, 23.

verum etiam ut mentis revera compotes, jurisjurandi naturam, vim & sanctitatem rite habeant sibi perspectam, quo fiat, ut perjurium vindicantis Numinis iram & sciant pertimescere & velint. Quo vero ætatis anno, puberes ubique locorum sunt homines, & perspiciendæ jurisjurandi sanctitati pares, una lege, & quæ certum determinaret annorum numerum, definire Ius naturæ non potest, quippe quod, nec litteris consignatum, nec Codicis cuiusdam angustiis inclusum & compictum, neque tam dierum, mensium & annorum calculos subducens, quam rem potius ipsam & naturam ponderans, in quovis cuiusvis rei articulo speciales leges continent; ex quibus generalis illa conslatur, ut quo quisque anno maturitatē mentis est afflicatus, eodem & jurisjurandi capax recte censeatur. Hæc vero omnibus & cibis non venit post peractum æque logum idemque temporis spatium, in quo itaque definiendo jure variant leges nationum civiles, pro immensa, coeli ambientis, liberos educandi rationis, cæterarumque maturitatē mentis aut accelerantium aut retardantium causarum, varietate. Certus tamen & unus ut in quavis regione determinaretur pubertatis annus, omnes syasere rationis, licet eo ipso, qui est omnium legum civilium, si cum Divina naturæ lege comparentur, inevitabilis defectus, accidere comituries possit, ut quem lex civilis, ex annorum calculo & corporis statura, puberem & sui juris atque majorenem esse, numerat, lex naturæ non esse, judicet. Apud Iudeos qui XIII.

an-

annos impleverat puer pacta inire poterat, puella
quæ XII. (a)

In Iure Romano Imperator IUSTINIANUS pubertatis accessum apud masculos in anno XIV. apud femellas vero in anno XII, expletis, constituit (b). Iure nostro utriusque sexus homines, cum annum expleverunt XV. puberes judicantur, & ad exhibenda juramenta, satis adulti. Qui ad pubertatis annos pervenerunt, niente *captis*, jurare tamen minime licet, quod ex eadem caussa de *ebriis* item valet, & ex eadem jurisjurandi sanctitatem ponderandi, & negotii indolem explicandi impotentia, de iis, qui correpti ejusmodi morbis sunt, qui vel cerebri vel memoriae vel linguæ vim & nervos incidere perspiciuntur. *Mutorum* & simul *furdorum* testimonia non nisi cum grano salis adhiberi possunt, & *juratis* in antecessum eorum interpretibus.

Nullam in his momentis, quod ad *sexum* *jurantis*, fecimus differentiam, nam nullam facit, quod interpretamur, Ius naturæ, præjudicia nostra summopere improbans, quibus irretiti eo usque in dimidiam generis humani partem injustitiae processimus, ut ab omnibus muniis & negotiis publicis administrandis eam non modo excluserimus, sed etjam jure exclusam esse opinemur. In codice Christophoriano, rarissimæ fuerunt

(a) Vide COCCEIUM hoc ex Mosis et ejus concilium scriptis probantem I. c. I. II.

(b) Pr Inst. Quib. mod. tut. fin. vid: etjam I. V.
GRAVINAM in Com. ad L. L. XII. tab.

runt legis species, seu ut dici solent, casus, in quibus testimonia foeminarum non respuebantur (c). In Codice vero Fridericiano, jusjurandum a foemina præstitum non minoris declaratur valoris, quam quod exhibent viri; qua de re convenienter necesse est omnes alii, quam qui sensum & mentem Legis non attingentes, verbis ejus pertinaciter insident ut muscaæ vibici (d).

Quod

(b) Ex Cap. XXXIII. *Thingm.* B. L. L. & XXV - XXVIII. *Rädst.* B. StL, & aliis Legum antiquorum locis concludi solet, foeminas iusjurandum præstare, tum non fuisse illis concessum; posses dicere, Maiores nostros fidem feminini generis non esse, ereditasse. Hanc tamen illis & amabiliori sexui dicam scribere subveremur. De rebus ad sphæram muliebrem pertinentibus e. c. de puerperio, unius fœminæ perinde valebat, ut duorum virorum testimonia; fr. C. IV. *Erffda* B. StL,

(d) Videmus WESTDAHNIUM in *Uttydning öfver Sveriges Lag*, declarantem C. XVI. §. I. Å. B. & quod mirum est, Nobiliss. NEHR-MANNUM EHRENSTRÄLE, in lib. de *proceß. civ.* p. 233, & in *föreläsn.* öfver Årfdā B. p. 198, hæftare, an testimonia Fœminarum possint de Testamentis valere, siquidem in cit. XVI. I. Å. B. verba ita jacent: *Wittne tvenne gode Män*, quod etiam ex simili cauſa ad C. XX. ei Tit. traduci posset, ita ut nemo absque scriptura Tutor nuncupari a moriente quiret, nisi presentibus duobus *Viris*, ut testibus, quare etiam Icti hi virilia hic commendant testimonia, ne sexus legitimo obſiciatur impedimento. Sed nugantur, C. XVII. §. 10, R. B. clarissimus haec in re Legis locusest. Præterea: *Man* & *madhr* unum idemque est vocabulum, eo differimine, ut illud non nisi in casibus obliquis, hoc vero in casibus rectis usurpari videamus. Utrumque proprio *hominem*, sine differimine sexus in antiquiore lingua denotat; unde *quindamq; dhr* in Legi Gothland: C. XIV. Ifeminam appellari, & in historia RAGNARI LOBBROK anum ſepe vocari man, ac in *Havamal* virginis nomine man imprimis condecorari, hujusque appellatio-nis vestigia in Anglicis vocibus *woman*, *women*, *mulier*, *mulieres*, atque in Germanico *jema*; quisquam & niemand nemo, quadrangulus remansisse, docent Nob. IHRE in gloss. p. post. p. 42. & WERELIUS in indice p. 167. Antiqua haec vocis *man* potestas adhuc in hodierno legis codice utique obtinet, quod diffiteri nequeunt Icti nostri, &, ut pauca ex multis exempla proferam, tam ex CC. VI. 3. IX. §. I. B., quam ex eo patet, quod composita *giftonan*, *skyldeman*, *målsman*, *bordeman*, *resande man*, communis esse generis in Codice Legis hodiernæ habeantur, quod si quis nescit, legat C. I. §. 2. G. B. CC. IV. §. I. XX, §. 2. Å. B. C. V. I. B. & C. XV. §. 3. B. B.